


叢書集成續編

一八二

新文豐出版公司印行

叢書集成續編 第一八二冊目錄

文學類



詩別集——清

雁影齋詩一卷	清	李希聖撰	松	鄰	一
西泠鴻爪一卷	清	張鐵華撰	涉	園	二七
百花扇序一卷	清	趙杏樓撰	香	豔	三九
南澗行一卷	清	李煊撰	香	豔	四三
紅樓百美詩一卷	清	潘容卿撰	香	豔	四七
比紅兒詩注一卷	清	沈可培撰	香	豔	五一
劫海吟一卷	清	吳希鄂著	陶	社	六一
桐齋賸稿一卷	清	吳曾俊撰	陶	社	六九
南遊吟草一卷	清	熊兆渭撰	壁	經堂	七三
憶蓉室詩草一卷	清	楊沅芬著	陶	社	八七
清溪惆悵集一卷	清	梅盒居士輯	香	豔	九九
湖墅雜詩二卷	清	魏標撰	武	林掌故	一一一

詩別集——民

凹園詩鈔二卷	民	黃榮康撰	芋	園	一三九
凹園詩續鈔三卷	民	黃榮康撰	芋	園	一八一
靈峯草堂集四卷	民	陳矩撰	靈	峯草堂	二二九
陶廬雜憶一卷續詠一卷續憶補詠一卷	民	金武祥撰	江	陰	二六三

高雲鄉遺稿一卷.....	民	高民著	天蘇閣	三七一
寄禪遺詩一卷.....	民	徐珂校	滄海	三七七
伯子詩稿一卷.....	民	釋敬安撰	樸學齋	三八三
崑崙詠二卷.....	民	胡有恂著	卮園	三八九
觀古堂詩集九卷.....	民	葉德輝撰	卮園	四一三
曲中九友詩一卷.....	民	葉德輝撰	卮園	五〇一
眞如室詩一卷.....	民	徐珂撰	天蘇閣	五一一
壬癸集一卷.....	民	王國維撰	雪堂	五二九
福履理路詩鈔一卷.....	民	胡懷琛著	樸學齋	五四一
上武詩鈔一卷.....	民	胡懷琛著	樸學齋	五五一
江村集一卷.....	民	胡懷琛著	樸學齋	五五九
南香詩鈔一卷.....	民	胡淵著	樸學齋	五七三
甲戌雜感一卷.....	民	張伯楨撰	滄海	五八一
詩別集——日本.....				
萬庵集十二卷.....	日	釋原資撰	崇文	五八九
文別集——漢.....				
蔡中郎外集四卷附列傳一卷年表一卷.....	漢	蔡邕撰	海源閣	七二五
清.....	清	高均儒輯		
文別集——晉南北朝.....				
摯太常遺書三卷.....	晉	摯虞撰	關中	七八三
民.....	民	張鵬一校補		

2256/10

W118/10

摯太常文集一卷·····	七八九
決疑要注一卷·····	八〇二
文章流別志論一卷附文章志·····	八〇六
陶文 殘 一卷·····	八一一
虞徵士遺書六卷·····	八一五
論語虞氏讀注一卷·····	八二〇
志林新書一卷·····	八二一
廣林一卷·····	八二六
釋滯一卷·····	八三〇
通疑一卷·····	八三一
安天論一卷·····	八三三

晉 陶潛撰 簞喜廬
晉 虞喜撰 四 明

雁影齋詩

鄭沅署

THE UNIVERSITY OF CHICAGO

DEPARTMENT OF THE HISTORY OF ARTS

ARTS AND SCIENCES CAMPUS

5408 S. UNIVERSITY AVE.

CHICAGO, ILL. 60637

TEL: 773-936-3300

FAX: 773-936-3300

WWW.CHICAGO.EDU

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

戊戌入都始識亦元時多勝流競言變法君屈屣其
際議弗苟同庚子春夏所居比鄰過從日密窺其懷
抱蕭瑟寡歡拳亂以還孤憤益甚洎壬寅後同君治
事大學綿歷歲時備諗言行君清羸善病未識養生
每有述造輒沈思獨往不能自己意所抑鬱時寄於
詩作詩之指力戒平易亦屏險怪一詩既成點竄累
日劇鋼心神出以哀豔見者稱為玉谿或方諸虞山
君雅不喜超然龍性自號臥公駁議罪言遭忤時相
藉詩翰殺傷積毀疾歿校舍海內悲之雁影齋詩
爲其生前所手定曾以寫本贈余若豫知不壽而有

序

一

以期諸後死者君博極羣書尤深史學以詩寓史排
側纏綿諷諭之遺歸於忠愛一日貽書與余有每飯
不忘之語其愛深其衷悴已孟堅有言哀樂之心咸
而歌詠之聲發春秋說題辭亦曰在事爲詩思慮爲
志緬君疇昔邈若山河三復篇章如聞嗟歎夙同游
處中更亂離坊巷巢痕都成掌故刼灰話嬭望帝聲
哀影事前塵歷歷心目遺墨在篋宿草在原人要平
生能忍置與桑海迭經重取循覽所見之世復判霄
淵浩浩橫流終何紀極君憑天墜猶類杞人我生不
辰適鄰僑靡極枯懸解苦樂迴殊逝者有知可無恨

馬丁巳四月份陽王式通

序

二

雁影詩

湘鄉李希聖亦元

亂離一首仿元白體示頌年叔進兩太史

辛丑

亂離重說太平年宣武城南二月天崇效寺中尋芍

藥陶然亭畔弔嬋娟九衢車馬如流水百戲魚龍過

禁煙歷歷舊時歌舞地爲君寫入七哀篇

海上晤葛侍郎

寶華

連日談西安事臨別有贈

去住無消息傳聞有是非艱難天險在予奪聖心違

驛路梅花發官筵首著肥孤臣中夜淚霑灑向征衣

雁

一
仁和吳氏
雙照樓刊

西苑

芙蓉別殿鎖瀛臺落葉鳴蟬盡日哀寶帳尙留瓊島

藥金缸空照玉階苔神山已遣青鸞去瀚海仍聞白

雁來莫問禁垣芳草地篋中秋扇已成灰

陶然亭題壁

車走雷聲不動塵千門馳道接天津杜鵑九死魂應

在鸚鵡餘生夢尙新抱蔓黃臺成底事看花紫陌已

無春漢家陵闕都非故殘照西風獨愴神

感舊

尊前悵悵試羅衣韋曲鶯花亂後稀紫殿不聞春燕

返青城還見夜烏飛焚香複道吞聲過送別都亭灑
淚歸一自金仙辭漢去人民城郭已全非

亂後同會重伯還京師有贈

落盡庭槐獨掩門貞元朝士已無存空城草木秋霜

早故國江湖夜雨翻夢裏觚稜非往日愁中鼓角易

黃昏青衫走馬章臺路珍重當時舊酒痕

哀王孫

金鞭寶玦走天涯紫塞黃塵日又斜北去銅駝惟有

淚西來玉馬已無家愁聞虜騎隨秋草怕遣宮鶯問

落花問道青門多白骨更無人種故侯瓜

雁

二

湘君

青楓江上古今情錦瑟微聞嗚咽聲遼海鶴歸應有

恨鼎湖龍去總無名珠簾隔雨香猶在銅輦經秋夢

已成天寶舊人零落盡隴鸚鵡辛苦說華清

望帝

玄菟城頭紫氣橫長安月照國西營天邊馬角無消

息海外龍髯有死生賁使祇應供夏葛歸期猶及鴈

春櫻烟花繞禁今如昨莫遣張衡續兩京

曲江

曲江宮殿鎖莓苔蠟炬爐薰認劫灰玉盤已隨芳草

出鑾與曾爲看花來殘燈不照秦烏返落日惟餘漢
雁回夜雨秋衾難塞夢歸時應過李陵臺

故宮

故宮雙闕倚斜暉雉扇淒涼事已非城草漸隨烏尾
長陌花留送翠翹歸黃金海舶傾車出赤羽梁園來
道飛搜括豈知民力盡年來江左已無衣

題司馬溫公集

抵死相爭太擾攘鳬脰非短鶴非長空將三尺區區
法較量前王與後王

寄懷鄭蘇堪

雁

三

海內詩人鄭太夷風流文采擅當時三年江上看鴻
雁一夜秋風生鬢絲苦說歸田眞上策更憐痛飲是
吾師京華冠蓋多臺省蕭瑟平居獨汝思

寄題鄭蘇堪江上盟鷗榭

世外容疏放危欄對郡城江空秋雨響月落夜潮生
雲樹微茫出漁燈歷亂明歸舟從小隱試爲具魚羹
雪

九月邊城雪南砧尙搗衣龍蛇猶自起烏鵲欲何依
已共庭花落還兼塞雁飛故園松菊好留滯不如歸

題山谷集

一棹湘江去不還杜陵高峻苦難攀曾侯老眼分明
在解道涪翁學義山

對雪

喪亂仍霜雪川原野哭哀強隨明月去偏挾凍雲回
客裏青尊在愁多白髮催苦吟生意盡懷抱向誰開

寄懷陳伯嚴金陵

軟塵京洛點朝簪放浪心情百不堪長樂曉鐘殘月
夜時時合眼夢江南

黃金臺

誰道昭王解愛才千年霸業剩荒臺樂生握轡非奇

雁

四

士祇爲黃金買主來

寄懷鄭叔進

已作登樓賦翻聞出塞歌百年爲客久雙鬢奈愁何
病酒秋來瘦新詩別後多憐君持漢節鑿空到天河

帝子

帝子苔痕玉座青鷗鵠啼處雨冥冥北門劍佩迎蕃
使南極風濤接御亭江海佳期愁晚晚水天舊事夢
娉婷秦絲解與春潮語一曲蘼蕪忍淚聽

寄懷鄭蘇堪

佇苦停辛自不勝舊歡新約總難憑談兵玉帳依劉

表待詔金門哭李陵青蓋渡江無信息黃旂橫漢有
中興傷春杜牧多才思寫遍吳娘十番綾

天遣

天遣多情有別離綠楊枝外抵天涯粉蛾點滴牽絲
出金雁零丁怨柱移錦字無多裁恨遠重簾不捲放
愁遲高唐夢雨相逢道賦就春寒已後期

搖落

搖落於今又一時勸君減思復裁悲禁寒海燕原無
賴入夢江鴉不自持石闕銜碑相望久車輪生角得
來遲茂陵松柏秋蕭瑟留與梁鴻賦五噫

雁

五

有寄

漢女遺珠佩湘妃倚薜蘿凝愁供楚雨量恨與吳波
往事兼春遠流塵著夢多玉璫無覓處長是隔秋河
題手帕

瘴花開謝水沈銷夢後樓臺已寂寥空窺峽中長短
雨不逢江上去來潮盈懷楚浪還應入點髻吳霜漸
欲凋十二珠簾渾捲盡依然人更比天遙

十月二十日之詔

世論多翻覆天心有廢興倉皇誅管蔡羽翼失疑丞
國狗應難噬城狐未可憑夜來看北斗佳氣滿昭陵

百萬生靈血東朝悔禍深易名傳冊玉流涕發滕金
載筆他年事逋臣海外心祖宗遺訓在覆轍莫重尋

詠史

漢家制度本搶攘刀筆虛依日月光絳灌不須讒賈
誼當時俗吏是張蒼

爲蒙古三六橋題畫幃王寅

海燕西飛雁北來春深試上李陵臺洛陽花似龍庭

雪換得年年一度開

朱古微侍郎之叔七十屬爲壽詩

蓮社攢眉強過從馬曹無事祇疏慵新詩往往凌顏

雁

六

謝歸夢時時墮雪淞料理官田惟種秫招要座客但
論松豈知三語江東掾解道淵明似卧龍

同長沙冢宰蒙古司寇陳侍郎呈左京堂孝同于京

堂式枚張觀察鶴齡置酒龍樹寺祝廣雅尙書生

日癸卯

天上秋多駐影遲清談終宴不知疲良辰樂事難兼
得勝地名流極一時北闕烟塵仍滿目東山賓客盡
能詩時危報國須強健莫遣霜華上髻絲

呈廣雅尙書

孤吟愁聽景陽鐘咫尺蓬山隔萬重祈請不妨持漢

節陸沈何處識堯封論兵白髮知無補挽粟黃腫已
不供夜半金蓮承獨對東朝垂涕話神宗

送三六橋歸浙江

尙書邸第初相見側帽單衫中酒時已分從容陳大
計居然意氣感深知故人海上多奇節危局長安似
奕棋便欲挂冠乘興去與君先作鹿門期

讀書

莫從有字句處讀勸君須讀無字書世上俗儒甯解
此拖薑轉土注蟲魚

前詩有漏義作此補之

雁

七

心地須收橫草功千門萬戶一時通從來絕世神奇
理卻在尋常字句中

目鶴亭屬題填詞圖

殘山賸水送春過獨倚危欄喚奈何認取舊時腸斷

處斜陽烟柳已無多

八月五日作

望仙樓下萬人喧新進涼州法曲翻想見開天全盛

日年年八月坐朝元

和廣雅尙書雜詩六首

卧佛寺松

金椎故道祖龍經雙鶴歸來似舊青空見阿房三月
火至今佛夢不曾醒

歌曲

故事承平有典型梨園白髮尙娉婷秦關夜夜淋鈴
雨翻作南巡舊曲聽

廣輿重到恐荒涼盡柱津橋字數行莫唱伊涼天寶
曲漢家今已失河湟

高梁橋

西來宛馬鎮相尋苜蓿葡萄極望深清絕曉鐘仙仗
杳無人解作夢花吟

雁

八

新舊

堯桀從來兩不知紛紛鷹隼真相疑輕陰日暮皆閒
事卧到山紅澗碧時

清談法律自紛紛門戶區區有屈伸魚鼈蛟龍同一
調豈知東海已揚塵

中興一首和廣雅尙書

艱難又見中興年五勝臨朝尙儼然上相自求王導
節深宮新賜鄧通錢賈生三表負何益夷甫諸人太
可憐父老極知哀痛意白頭流涕詔書前
與張小浦別後情緒甚惡作此寄之

關河冷落不禁秋飄泊風塵且未休海內知君惟我
獨山邱同盡更何求百年擾擾供多病萬事茫茫始
欲愁苦意玉田詞句好有斜陽處怕登樓

題扇

亂山重疊送將歸玉砌雕欄認已非愁外江湖鷗漸
遠夢中風雨雁還飛簾櫳約畧無多月消息商量到
落暉繫馬樊樓人去盡酒痕和淚上春衣

懷古

試向高陽訪酒徒經過鄴下問黃鬚相逢意氣從牛
飲要遣功名到狗屠廢苑呼鷹花未落繁臺射雁草

雁

九

先枯沼吳霸越尋常事已辦扁舟向五湖

詠史

夕殿流螢事可憐天荒地老是何年江花浩浩無終
極海月沈沈不解圓已炙鳳麟稱萬壽更憑鳧雁錮

三泉孤臣欲續湘纍賦中夜吞聲拜杜鵑

感事

蒼蒼玄武伴鈞陳共影同光欲嚮晨誰信屈平思去
楚不妨胡亥解亡秦茂陵尙自求封禪宣室何曾問
鬼神試過新亭風景地南冠對泣更無人

再寄張小浦

怕遣聲名動九重紛紛世論不相容六家要旨歸司
馬三顧何人起卧龍瀝落交親同骨肉艱難事業愧
疏慵韓仇未報須前箸不敢從君訪赤松

秋興

倚瑟叢臺夜不眠邯鄲舊道走三邊鑄銅北極難成
柱種玉西陵漸作田舞馬當筵催賜錦盧龍賣塞不
論錢教坊莫廢汾陰曲秋雁飛時似往年

讀漢書

黃金自愛枕中篇腳價何嘗到九泉誰遣淮王守都
厠一時雞犬盡神仙

雁

十

詠棗

紫衣傳賜出蓬壺雨露恩光照上都一例東封成故
事坐令尊酒變明珠

感近事作

省識川家賽社歌太平有象在松蘿豈知梁燕巢林
木從此炊烟已不多

同廣雅尙書游天甯寺歸有感

坐上河山異洛中局前絲竹解平戎謝公談笑王公
哭戮力神州各不同

廣雅尙書招同寶侍講 照朱侍讀 福說 樊按察 增祥

于京卿式枚沈編修會制作重九於天甯寺塔射
山房沈後至作此戲之

九日雲山發興新憑欄高處望長春西風檢點尊前
客不是當時落帽人

過故相剛毅宅

枉思帶礪誓山河鼎鼐樓臺已自多函首玉津行萬
里不知曾聽大風歌

見說

見說妖星犯斗躔蒼黃已似永嘉年巫陽始信天真
醉精衛初無海可填兒戲干戈軍滿上夜來烽火照

雁

十一

甘泉小臣賸有平邊策祇換東郊種樹篇

袁總督電奏有大禍將臨語聞而感賦

事過方知大禍臨君臣相對但需襟死棋著著猶堪
覆長夜漫漫直到今三戶亡秦那可得諸公談國是
何心當時痛哭誓還在吞炭年來口已瘖

哀時

慘淡乾坤火厝薪變興無地可蒙塵橫流到處將安
往上帝高居已不神鄒塢燃臍方恨晚廟堂食肉汝
何人膏肓尙有回天藥虎豹當關不敢陳

幽憤

夢裏瞻天尙戴盆靈氛從不省煩冤三長已化蓂宏
血九死難招宋玉魂明月祇今懷故國夕陽何處是
中原滄桑一任供華髮渭水銅槃有淚痕

東事急

從來死病走神醫銜索枯魚悔已遲六里有心欺楚
使二陵無淚哭秦師前途稅駕眞焉極政府非才恐
不支今日人間是何世西風雨急雁來時

九月十六日廣雅尙書宅集卽席贈別樊按察分得

佳韻

謝公座上酒如淮更對雲山日夕佳前輩起居關氣

雁

三

數永和人物外形骸文章麗雅孤飛鳳鼓吹清貧兩
部蛙怕聽玲瓏歧路唱潮平月落是天涯

時艱相對整開懷禁鼓沈沈動六街天遣湖山供嘯
傲夜談風月雜談諧新詩漫擬宮中草往事都如夢

裏槐老去周郎才筆在弓衣傳唱徧吳娃

同廣雅尙書及寶侍講樊按察增詳李府丞盛錫

沈編修會制飲市樓福興居

馬行燈火漸淒清卷裏厨娘識舊京話到貞元朝士
盞白頭節度不勝情

同廣雅尙書樊按察李府丞沈編修游厥肆

鶴蓋何妨竟日停使君好古到磚瓴書坊舊事閒徵
遍秋雨梧桐不忍聽

同廣雅尙書于晦若沈子封王弼甫寶瑞臣朱桂卿
置酒天甯寺展重九兼餞別樊拔察作

一角燕雲局已闌瓊樓人去太高寒江山盡在殘陽
裏南渡君臣著眼看

登城

雨打風吹綠漸稀十年種柳已成圍晚霞祇作須臾

影送盡飛鴻不肯歸

題畫

雁

十三

六曲雲屏倚暮寒落花飛絮易闌珊酒醒春盡無憑

據始信君從夢裏看

與廣雅尙書夜談謂梅花及雪詩最難作古人已無

義不搜矣遂及時事感而作詩

撥盡爐香火不溫垂垂一樹對黃昏金鑿秘記無人

讀誰與梅花賦返魂

詩老愁吟燼欲殘中書擁鼻詠輕寒那知歲暮漫天

雪祇作斜風細雨看

論詩

強將一祖配三宗流派江西本自同不是觀林詩話

在誰知山谷學荆公

吳下方回有別腸力排崑體媚陳黃豈知同出河陽
李笑殺談詩朱少章

遣悶 甲辰

繆算狂謀有角張嬾從卜肆問行藏徒聞賈誼虛前

席不許彭宣到後堂六鵠退飛尋舊隱五龍甘睡試

新芳草廬自接漁梁路莫換成都八百桑

對花

新春悵卧衾衣單細雨廉纖作嫩寒苦憶年時人去

後海棠如雪倚欄杆

雁

十四

王弼甫太常屬題其太夫人秋燈課詩圖

牆角燈檠未忍離頻年苗鼎苦傷悲乾清夜直中書

省蓮炬歸來又一時

破屋光從鑿壁來華堂蠟淚自成堆人生窮達都如

夢留與胡僧話劫灰

馬龔諸王六代風太常名德冠江東他年履道坊中

屋肯放春燈爛漫紅

我憶平生下澤車十年郎署媿鮎魚故園燈火空回

首準擬從君賦遂初

懷舊

庭院愔愔日易斜
碧桃初試去年花
燕泥落後痕仍在
鴻雪相尋跡漸差
沈炯哀時工寄託
江淹賦別費才華
銷魂祇在西陵路
松柏青青送鉅車

觀奕

覆局方知失算頻
爭先一著更無因
中邊四角全輪
卻問煞停柯袖手人

贈蔣性甫侍御

棋局長安日日新
上東門外有風塵
河傾海淺渾閒
事棟折榱崩到此身
天半神龍殊矯矯
眼前國狗尙
猜猜微聞下詔開
言路名實推排恐未真

雁

五

詠史

要害年來略喪亡
金縢傾國苦相償
謀曹鬼自爭新
故救趙人方議短
長空向市驢呼令僕坐看屠狗化
侯王漢廷亦有河南守
未肯騰章薦洛陽
民力中原已不支
誅求入骨恐非宜
西園自議葡萄
價南內方催芍藥詞
李廣一錢應未值
陳平六策本無奇
山東大賈眞癡絕
心計區區到鹿皮
江左長城祇自推
咸陽一炬總成灰
噬臍事業無生
氣嘗膽君臣媿霸才
西極未聞天馬至
故宮先唱野鷹來
邊愁不到芙蓉苑
過錦新開壽燕開

著論曾經準過秦
素書虛暗向誰陳
有人棄地思乘
鶴何處占天見
闕麟海上浮查通
大夏宮中別院起
臨春廟堂不用平
吳策已換才名賦
威甄

酬樊按察見贈

縮手功名總未伸
濟時才略故無倫
使君意氣須終
古今日朝廷用舊人
詞賦暮年多感慨
文章流別在
清新許身稷契平生事
老向驪山憶路塵

六郡黃圖接武威
極知邊日少光輝
愁中歲月堂堂
去亂後山川漸漸非
浮海黨人公論在
過江名士輩
行稀安危要仗隆中策
白羽終煩更一揮

雁

六

役興

三策何時得坐陳
霸書堆篋漸生塵
馬牛已分同來
去龍蠖誰能論
屈伸庶下梁鴻思入越
囊中蔡澤解
謀秦儒生俗吏都無用
抱膝南陽別有人
世外冥鴻避網羅
江湖日月已蹉跎
十年國論空滯
亂萬事才名未折磨
鑄鐵六州成大錯
銷金一角總無多
未央宮闕高寒甚
擬和東坡水調歌

卽事有作

被冷香清酒漸消
燈榮黯黯送殘宵
溫涼漏水渾無
定緩急琴絲苦未調
春去心情猶耿耿
別來信息頗

迢迢飛龍骨出從惆悵兩鬢河陽已自凋

同三六橋話舊有感

世事浮雲變幻新聲名官職兩沈淪籠中蓄艾眞無
計觀裏栽桃別有春陳跡祇今成俯仰年來平等到
冤親不須更憶山陽笛張鎮金明是故人

登陶然亭作

遶左城門晝不開先朝文物半烟灰山中老將乘驛
去海上遺民化鶴來江統徙戎非至論范曄謀國本
庸才神州祇在危欄外白草黃雲盡可哀

題辛丑年詩後

雁

七

慘怛張衡志芳華宋玉詞四愁初有作三賦故應悲
疾病兼羣盜艱難又一時試憑滄海恨還爲問王尼

鹽

吳楚東南本一家似聞疏鑿徧三巴暑霜春雪君能

賦畢竟張融勝木華

戲作

問舍求田術未工論心許汜得毋同崎嶇入蜀眞非
計牀下何如在甕中

問道

問道君王起漸臺方壺員嶠象崔嵬離宮苜蓿參差

長別殿芙蓉爛漫開新闢條支求鳥卵更通碎葉間
龍媒太平天子無愁思願頌南山獻壽杯

擬體

今日江南更可哀清談廟略坐相推秦關信逐烏頭
斷漢苑書從雁足來愁裏何人歌捉搦夢中有淚化
瓊瑰撞鐘樹羽猶全盛祇作昆明劫後灰

同韓力畬戶部談作此示之

滄海西流去不回黃雞白日忍相催卧龍自作躬耕
計羸悖終非負重才從古禦戎無上策有人中夜望
三台感時恨別年年事懷抱何曾得好開

雁

六

王聘三侍御秦右衡郎中邀同崇效寺看牡丹有事
不得與

佳期悵望總參差作暝慳晴併一時誰遣故君成杜
宇坐愁春事到餘醺闌風伏雨眞無奈剩碧零紅恐
不支見說兔葵仍滿眼未宜重作看花詩

崇效寺看花之約事後方知有趙堯生太史曾剛甫

楊箕谷二部郎復作一首

浮生哀樂儘消磨縱酒憑君更放歌已辦苦吟淹日
月祇宜流涕向山河心情越鳥難隨馬世事吳蠶欲
化蛾卻被汝陰居士笑年來擔上看春多

看花詩意有未盡更作示王侍御秦郎中

春光撩亂況無多忍向青門送玉珂舊事欲從紅鶴

論新聲都作白翎歌空聞召對前釐席漫擬題詩弔

汨羅刊落尋常金雪字苦心君應識陰何

贈相士李子樸

雲起龍驤恐不終登壇狗盜當英雄休將反骨疑劉

渾未肯推心對蒯通世事已從藍面鬼人生須作黑

頭公近來別有封侯相都在書傭俄隸中

朱北都仁壽屬題道光四年摺紳冊

一絹誰知值萬錢有田種穀血成川太平尙見開元

雁

九

日要和夔州憶昔篇

以菊花餉惲薇孫學士薇孫詩來用淵明自擬作此

答之

暗咤風生戲馬臺坐中詩筆闢清裁王宏謝晦皆聞

府獨向東籬采菊回

尙憶先朝宰輔恩圖中山海寫煩冤荆卿匕首刑天

戚自割殘英當夕餐

菊花無地寄遺芳局促江山氣不強我見寄奴應北

面三擒天子到咸陽

南渡詞人較短長淵明竟與孔明方無人更似劉玄

德不遣黃花換蜀桑

龍拏虎擲自匆匆花落花開甲子中試起當年狂阮

籍醉中相對論英雄

不爲飢驅始叩門時時覓路向桃源韓亡秦帝皆開

事忠義區區未要論

北伐經年走傳車劉生批荅苦紛拏閒情賦罷無餘

事來倚西風看菊花

葵麥搖春有底忙牡丹謝後菊花黃祇消幾度東軒

醉已見齊臺起建康

滿地黃金句未訛庾公塵起污人多庸才坐笑桓靈

雁

十

寶儒雅風流奈汝何

斂手推杯自不妨成名豎子漫猖狂延齡小試中山

酒大勝盧循續命湯

桑孔經綸計已差算緡酤酒權鹽茶武陵東接柴桑

路稅到桃花與菊花

典午功名事事新隱囊拄笏席凝塵諸公對酒看花

日伐荻登洲已有人

半壁羶腥事已休眼中滄海更橫流相從惠遠廬山

日誰識眉攢萬國愁

家國興亡等一時長沙勸德使人思黃塵碧海須臾